

Estas Bases foron aprobadas por acordo da Xunta de Goberno Local de data 11 de outubro de 2017

BASES DA CONVOCATORIA PARA A PROVISIÓN CON CARÁCTER LABORAL TEMPORAL POR CONCURSO-OPOSICIÓN DE 1 PROFESOR DE GUITARRA ESPECIALIDADE DE JAZZ E 1 PROFESOR DE CLARINETE PARA O CONSERVATORIO PROFESIONAL DE MÚSICA DO CONCELLO DE MELIDE, MODALIDADE DE CONTRATO DE DURACIÓN DETERMINADA (OBRA OU SERVIZO DETERMINADO).

1.- OBXECTO DA CONVOCATORIA

O obxecto da convocatoria é a selección de persoal laboral para ocupar, con carácter laboral temporal **2 prazas de profesores de música para o conservatorio profesional de música** do Concello de Melide, a xornada parcial, cun salario bruto mensual e tarefas segundo se relaciona, debendo impartir, segundo as necesidades do centro, materias afins. Os contratos terán unha duración ata o 30 de xuño de 2018. O salario que se establece inclúe o salario base e a parte proporcional da paga extra. Todo iso con cargo á aplicación orzamentaria 3262.17.07.13100; a cota empresarial da seguridade social aboarase imputarase na aplicación orzamentaria 3262.17.07.13100.

ESPECIALIDADE	HORAS Á SEMANA	SALARIO MENSUAL	SEG.SOCIAL MES*32,75%
<i>1 profesor/a de GUITARRA especialidade de JAZZ</i>	18	1157,28	379,00€
<i>1 profesor/a de CLARINETE</i>	6	385,76 €	126,34 €

A non existencia dun mínimo de 5 alumnos matriculados en calquera das especialidades ofertadas, poderá supoñer a supresión da praza, no momento que se estime oportuno.

Así mesmo, e de acordo cos principios de igualdade, eficacia, eficiencia, adecuación do candidato co perfil do posto a desempeñar, estas bases terán por obxecto crear unha bolsa de traballo en relación con estas prazas en concreto para os supostos de renuncia ou outra causa que impida ao aspirante seleccionado desempeñar o posto a cubrir.

A duración desta bolsa será ata a creación dunha nova bolsa derivada da celebración e convocatoria dun novo proceso selectivo para estas mesmas categorías profesionais. A bolsa constituírase de acordo co disposto na base 7.4 sendo que o nomeamento dos integrantes da bolsa valorarase por orde de puntuación.

1.2- NORMATIVA APLICABLE

A este procedemento selectivo seralle de aplicación: a Lei orgánica 2/2006, do 3 de maio, de educación; a Lei 7/2007, do 12 de abril, estatuto básico do empregado público; a Lei 30/1992, do 26 de Novembro, de réxime xurídico das administracións públicas e do procedemento administrativo común, modificada pola Lei 4/1999, do 13 de xaneiro, a Lei 17/1993, do 23 de decembro, sobre o acceso a determinados sectores da función pública dos nacionais dos demais estados membros da Unión Europea. Orde do 8 de febreiro de 2008 pola que se regula a avaliación e cualificación do alumnado que cursa as ensinanzas profesionais de música que se establecen na Lei orgánica 2/2006, do 3 de

maio, de educación (DOGA nº 40. martes, 26 de febreiro de 2008) e demais disposicións de aplicación xeral, así como o disposto nesta convocatoria.

1.3.- LUGAR DE REALIZACIÓN DAS PROBAS

Terán lugar nas dependencias do Concello de Melide e na data e hora que se fixe na lista definitiva de admitidos.

2.- REQUISITOS QUE DEBE REUNIR O PERSONAL ASPIRANTE.-

Para ser admitido no procedemento selectivo convocado nestas bases, o persoal aspirante deberá reunir os seguintes requisitos:

2.1.- REQUISITOS

a) Ter a nacionalidade española. Os nacionais dos estados membros da Unión Europea poderán acceder en igualdade de condicións que os españois.

As previsións anteriores serán de aplicación, calquera que sexa a súa nacionalidade, ao cónxuxe dos españois e dos nacionais doutros estados membros da Unión Europea, sempre que non estean separados de dereito e aos seus descendentes e aos do seu cónxuxe sempre que non estean separados de dereito, sexan menores de vinte e un anos ou maiores da dita idade dependentes.

O acceso ao emprego público como persoal funcionario, estenderase igualmente ás persoas incluídas no ámbito de aplicación dos tratados internacionais celebrados pola Unión Europea e ratificados por España nos que sexa de aplicación a libre circulación dos traballadores nos termos establecidos no parágrafo primeiro.

Os estranxeiros aos que se refiren os parágrafos anteriores, así como os estranxeiros con residencia legal en España, poderán acceder ás administracións públicas, como persoal laboral, en igualdade de condicións que os españois.

b) Posuér a capacidade funcional para o desempeño das tarefas.

c) Ter cumplidos dezaseis anos e non exceder, de ser o caso, da idade máxima de xubilación forzosa. Só por Lei poderá establecerse outra idade máxima, distinta da idade de xubilación forzosa, para o acceso ao emprego público.

d) Non ter sido separado mediante expediente disciplinario do servizo de calquera das administracións públicas ou dos órganos constitucionais ou estatutarios das comunidades autónomas nin se encontrar en inhabilitación absoluta ou especial para empregos ou cargos públicos por resolución xudicial para o acceso ao corpo ou escala de funcionario, ou para exercer funcións similares ás que desempeñaban no caso do persoal laboral, no que fose separado ou inhabilitado. No caso de ser nacional doutro Estado, non se encontrar inhabilitado ou en situación equivalente nin estar sometido a sanción disciplinaria ou equivalente que impida, no seu Estado, nos mesmos termos o acceso ao emprego público.

e) Posuír a titulación esixida: Ter o título de grao medio ou superior (plan 66) ou grado superior (Logse) nas diferentes especialidades ou estar en condicións de obtelo na data que finalice o prazo de solicitudes para tomar parte na presente convocatoria.

f) Non estar incursos/as en causa de incapacidade prohibición para contratar ou incompatibilidade das establecidas na normativa vixente do persoal ao servizo das administracións públicas (**Anexo III**).

Os anteriores requirimentos deberán reunirse con referencia ao derradeiro día do prazo de presentación de solicitudes e será nulo o nomeamento como persoal laboral temporal dos/as aspirantes que estean incursos en causas de incapacidade segundo a normativa vixente

3.-INSTANCIAS

Os/as aspirantes que desexen tomar parte no proceso selectivo deberán facelo constar mediante instancia na que manifesten que reúnen todos e cada un dos requisitos establecidos na convocatoria.

A instancia axustarase ao modelo que conteñen como **Anexo I** as presentes bases dirixidas á Sra. alcadesa-presidenta da Corporación, e presentarase no Rexistro Xeral do Concello no **prazo de 5 días naturais** contados a partir do seguinte día hábil ao da publicación da convocatoria nun dos xornais de maior tirada de Galicia e no taboleiro de edictos da casa do Concello.

Así mesmo, poderán presentarse a través do procedemento previsto no art. 16.4 da Lei 39/2015 de 1 de outubro de procedemento administrativo común das administracións públicas.

Á instancia xuntarase **fotocopia cotexada do documento nacional de identidade ou pasaporte e xustificante de ter aboados na Tesourería municipal os dereitos de exame**, ou xustificante do xiro postal ou telegráfico do seu pagamento (**nº de conta: ES60 2080 0370 9731 1000 0020, taxa: 25 €**). A falta de pagamento suporá a exclusión definitiva do/a aspirante, sen que no prazo de alegacións se permita emendar a falta.

Ademais, os aspirantes terán que axuntar á súa instancia unha **UNIDADE DIDÁCTICA cunha extensión non superior a 10 páxinas (excluíndo a portada, anexos sen límite), en letra arial 12, a dobre espazo**.

Na praza de “guitarra especialidade de jazz”, os aspirantes presentarán unha única unidade didáctica, elixida libremente entre a especialidade de que se trate.

Non poderá presentarse máis dunha solicitude de participación, salvo que se opte por máis dunha especialidade, en cuxo caso presentaranse tantas unidades didácticas como especialidades, tendo en conta o disposto no parágrafo anterior.

Os/as aspirantes que non posúan a nacionalidade española e teñan derecho a participar deberán presentar unha fotocopia do documento que acredite a súa nacionalidade e, de ser o caso, os documentos que acrediten o vínculo de parentesco e o feito de vivir a

expensas ou estar a cargo do nacional doutro Estado co que teñan o dito vínculo. Así mesmo, deberán achegar declaración xurada ou promesa deste de que non está separado de dereito do seu cónxuge e, de ser o caso, do feito de que o/a aspirante vive a expensas ou está ao seu cargo.

Os/as aspirantes deberán achegar inescusabelmente á instancia para a valoración dos méritos unha relación do que aleguen e os documentos acreditativos ou fotocopias cotexadas de todos e cada un dos méritos alegados que sexan puntuábeis .

No prazo de corrección non se poden alegar méritos non alegados coa solicitude inicial.

Os méritos valoraranse con referencia á data na que remate a presentación de instancias, e acreditaranse no momento de formalizar a solicitude de participación, presentando os documentos orixinais, ou fotocopias cotexadas, xa que non se terán en conta nin se valorarán aqueles que non fiquen debidamente acreditados dentro do prazo de presentación de instancias. A comisión seleccionadora non poderá estimar o non achegado e probado polos/as aspirantes nos documentos achegados no momento de presentar a solicitude para admisión ás probas selectivas, sen que sexa admisible a concesión de prazo ningún para emendar a falta de alegación ou de proba de méritos.

A documentación que se achegue xunto coa instancia deberá presentarse debidamente foliada e numerada e deberá coincidir coa orde coa que se relate na instancia.

Non poderá presentarse máis dunha solicitude de participación, salvo que se opte por máis dunha especialidade.

4.- ADMISION DE CANDIDATOS

A lista provisional de candidatos/as admitidos/as e excluídos/as aprobarase por Resolución da Alcaldía e publicarase no taboleiro de anuncios do Concello no prazo mínimo de dous días hábiles. Os/as aspirantes disporán dun **prazo de 5 días naturais para corrección**.

No prazo de corrección non se poden alegar méritos non alegados coa solicitude inicial. No suposto de non existir aspirantes excluídos/as prescindirse deste trámite.

Unha vez transcorrido o prazo de corrección, a Alcaldía ditará resolución definitiva que levará implícita a estimación ou desestimación das solicitudes de corrección e publicarase no taboleiro de edictos da casa do Concello. Na mesma resolución incluirase a composición da comisión seleccionadora e o lugar, hora e data de comezo dos exercicios.

No suposto de que ningún ou ningunha aspirante provisionalmente excluído/a presentase no prazo correspondente documentación ningunha para a corrección de erros elevarase, transcorrido o prazo de corrección, automaticamente a definitiva a lista provisional.

O feito de figurar na relación de admitidos/as non prexulta que se lles recoñeza aos interesados/as a posesión dos requisitos esixidos no procedemento que se convoque.

Cando da documentación que debe presentarse no caso de superar o proceso selectivo se desprenda que non posúen ningún dos requisitos, os/as interesados/as decaerán en todos os dereitos que puidesen derivarse da súa participación no procedemento. Todo elo sen prexuízo das responsabilidades en que incorrese por falsidade na instancia ou documentación presentada para tomar partes deste proceso selectivo.

5.- COMISIÓN SELECCIONADORA

A Comisión seleccionadora, estará composto polos seguintes membros:

- Presidente/a: Designado/a pola alcaldía. un/unha funcionario/a ou persoal laboral fixo. Suplente: un/unha funcionario/a ou persoal laboral fixo.
- Vogais:
 - Dous/dúas funcionarios/as ou persoal laboral fixo designados pola Alcaldía
 - Técnico en Normalización Lingüística do Concello de Melide. Suplente: outro técnico de Normalización Lingüística designado pola Alcaldía.
- Secretaria/o: un/unha funcionario/a ou persoal laboral fixo, suplente: un/unha funcionario/a ou persoal laboral fixo.

Todos os membros da comisión seleccionadora, deberán contar con titulación ou especialización igual ou superior á esixida para o acceso á praza que se convoca.

A comisión seleccionadora non se poderá constituir, nin actuar sen a presenza, cando menos, da metade dos seus membros, titulares ou suplentes indistintamente. En todo caso se require a asistencia do presidente e do secretario ou os que legalmente os substitúan.

Os membros da comisión seleccionadora deberan abstenerse de intervir, comunicándoo á autoridade convocante, cando concorran as circunstancias previstas no artigo 23 da Lei 40/2015, de 1 de outubro do sector público, ou estivesen preparando os aspirantes ás probas nos 5 anos anteriores á publicación desta convocatoria. Os aspirantes poderán recusar os membros da comisión seleccionadora cando concorran aquelas circunstancias.

A comisión seleccionadora resolverá todas as dúbidas que xurdan na aplicación das presentes normas, así como nos casos non previstos polas mesmas. Tamén poderá dispor a incorporación aos seus traballos de asesores especialistas para as probas correspondentes dos exercicios que xulgue oportuno, limitándose os asesores a prestar a colaboración nas súas especialidades técnicas.

Para os efectos de asistencia, os componentes da comisión seleccionadora que actúen nestas probas terán a categoría 1 de conformidade co que dispón o artigo 30 do r.d. 462/2002, do 24 de maio e serán retribuídos segundo establece o dito decreto.

6.-FASE DO PROCEDIMENTO SELECTIVO

6.1.- VALORACIÓN DOS MÉRITOS

No concurso, que en ningún caso terá carácter eliminatorio, valoraranse os méritos que concurran nos aspirantes ó finalizar o prazo de presentación de solicitudes conforme ao baremo que se inclúe no anexo II desta convocatoria, e de acordo coa opción e cos documentos presentados polos aspirantes acompañando á solicitude.

A valoración da fase de concurso será efectuada pola comisión seleccionadora. Nos documentos acreditativos da realización dos cursos, deberá constar a duración deles.

Os méritos valoraranse con referencia á data na que remate a presentación de instancias, e acreditaránse no momento de formalizar a solicitude de participación, presentando os documentos orixinais, ou fotocopias cotexadas, xa que non se terán en conta, nin se valorarán aqueles que non queden debidamente acreditados dentro do prazo de presentación de instancias.

O tribunal non poderá estimar o non achegado e probado polos aspirantes nos documentos achegados no momento de presentar a solicitude para admisión ás probas selectivas , sen que sexa admisible a concesión de prazo ningún para emendar a falta de alegación ou de proba de méritos.

6.2.- Publicación da puntuación do concurso

Unha vez rematada a valoración dos méritos presentados, a Comisión Selecciónadora publicará no taboleiro de edictos do Concello de Melide, a relación dos aspirantes por orde de puntuación coa especificación desta.

A puntuación obtida na fase de concurso será publicada no taboleiro de edictos do Concello o mesmo día en que se acorde e antes de dar comezo a celebración das probas da fase oposición

6.3 FASE DE OPOSICIÓN

- **Primeiro exercicio.** De carácter obligatorio e eliminatorio.

Consistirá na exposición e defensa ante o tribunal da unidade didáctica presentada por cada un dos/as aspirantes.

Os aspirantes deberán presentarse para a realización do exercicio provistos do DNI ou dun documento fidedigno acreditativo da súa identidade, a xuízo da Comisión Selecciónadora; e disporán dun tempo máximo de 15 minutos para a súa exposición, aos que se engadirán os que sexan necesarios para responder ás preguntas ás que se refire o parágrafo seguinte.

A Comisión Selecciónadora realizará aos opositores preguntas de carácter técnico sobre a unidade didáctica (ben para resolver calquera dúbida que lle poda xurdir en relación coa súa exposición, ben para comprobar os coñecementos do aspirante sobre a mesma); ou sobre os seus coñecementos sobre didáctica da música.

A proba teórica será valorada cunha puntuación máxima de 10 puntos, atendendo aos seguintes criterios:

-
- contido da unidade didáctica, ata 5 puntos
 - exposición e respuestas ás preguntas do tribunal, ata 5 puntos.
- Para superar a proba teórica será necesario acadar un mínimo de 5 puntos.

As puntuacións faranse públicas no Taboleiro de Anuncios do Concello unha vez rematada a realización da proba teórica, concretando o lugar, día e hora para a realización da proba práctica dos/as aspirantes que superasen a puntuación mínima de 5 puntos establecida para a proba teórica.

- Segundo exercicio. De carácter obligatorio e eliminatorio.

Cada aspirante realizará unha proba instrumental que consistirá na interpretación dunha obra de libre elección.

A comisión seleccionadora valorará a calidade da interpretación e o grao de dificultade da obra elixida. Este exercicio terá unha duración máxima de 15 minutos, valorárse cun máximo de 10 puntos. Para conseguir o aprobado deberá obterse un mínimo de 5 puntos.

6.4.- PROBA DE GALEGO.-

De carácter obligatorio e eliminatorio, agás para aqueles aspirantes que presenten o certificado, orixinal ou fotocopia cotexada de ter superados os estudos conducentes á obtención do certificado CELGA 4 ou de perfeccionamento na lingua galega, expedido por organismo oficial para o efecto ou validado.

Consistirá na tradución dun texto facilitado polo Comisión Selección do castelán ao galego nun tempo máximo de trinta minutos coa cualificación final de “apto” ou “non apto”.

Realizarase despois de concluído a fase de oposición.

7.- DESENVOLVEMENTO DA FASE OPOSICIÓN .-

7.1.- Os aspirantes serán convocados para a realización da fase oposición en único chamamento, sendo excluídos da selección os que non comparezan, non sendo os casos debidamente xustificados libremente apreciados pola Comisión Selección. Os aspirantes deben acredita-la súa personalidade coa exhibición do DNI.

7.2.- A actuación dos aspirantes naqueles exercicios que non poidan realizarse conjuntamente levarase a cabo por orde alfabética segundo a primeira letra do apelido, comezando pola letra que resulte do sorteo ó que se refire o artigo 9 do Regulamento de selección do persoal da Comunidade Autónoma de Galicia do 20 de marzo de 1991.

7.3.- Unha vez comezadas as probas selectivas a publicación da celebración dos sucesivos exercicios exporase no taboleiro de edictos do Concello.

7.4.- O mesmo día designado para a realización do exercicio da oposición efectuarase a proba de galego, se iso fose posibel, cuestión que se fará saber aos aspirantes, sinalando a hora de realización a través do taboleiro de edictos.

As cualificacións publicaranse o mesmo día no que se acorden no taboleiro de edictos do Concello. En caso de empate na puntuación final, primará a persoa que teña máis puntos no exercicio da fase oposición, en caso de que persista o empate a que teña máis puntos nos cursos e en caso de empate a que teña máis cursos con a puntuación máis alta e no suposto de que persista o empate someterase a sorteo.

A comisión seleccionadora, rematada a cualificación, publicará a relación de aprobados por orde de puntuación, sumando á puntuación obtida na fase de concurso os puntos obtidos na fase oposición; A Comisión Selecciónadora non poderá propoñer para o seu nomeamento un número superior de aprobados ao de prazas convocadas. Proporcionará a dita relación á Alcaldía, para que formule o nomeamento pertinente.

Non obstante para o caso de producirse renuncias dos aspirantes seleccionados o órgano de selección fará relación complementaria dos aspirantes aprobados que sigan aos propostos para o seu posibel nomeamento. Esta relación complementaria tamén será publicada no taboleiro de edictos do Concello rematada a cualificación.

7.5.- Devolución da documentación

Os aspirantes que presenten documentación oficial orixinal, poderán solicitar a súa devolución unha vez rematado o procedemento selectivo no concello.

A documentación presentada en fotocopias cotexadas non será devolta en ningún caso.

Unha vez valoradas todas as probas, o tribunal cualificador proporá a Sra. Alcadesa a contratación daquel aspirante que obtivera a maior puntuación, sen que poidan ser propostos máis aspirantes dos que correspondan ó posto de traballo que se pretende contratar.

8.- FORMALIZACIÓN DO CONTRATO.-

O/a aspirante proposto, antes do seu nomeamento e no prazo de 5 días naturais seguintes a aquel no que se lle requira, deberá presentar no Rexistro Xeral do Concello a seguinte documentación:

- a) Copia cotexada do título esixido nas bases da convocatoria.
- b) Declaración xurada de non estar afastado/a mediante expediente disciplinario do servizo de calquera das administracións públicas ou dos órganos constitucionais ou estatutarios das comunidades autónomas nin se atopar en inhabilitación absoluta ou especial para empregos ou cargos públicos por resolución xudicial.
- c) Declaración xurada de non se achar incurso en causa de prohibición, incompatibilidade ou incapacidade.
- d) Certificado médico de non padecer enfermidade nin limitación física ou psíquica incompatíbel co desenvolvemento das funcións correspondentes ao posto.

e) Certificado de antecedentes penais negativo específico sobre delitos sexuais

Se dentro do prazo fixado, excepto casos de fuerza maior, non presente a documentación ou do exame desta se deducise que carece dalgún dos requisitos sinalados nas bases da convocatoria non poderá ser nomeado/a e ficarán anuladas as súas actuacións, sen prexuízo da responsabilidade na que, de ser o caso, podería ter incorrido por falsidade nos datos declarados na instancia.

Será competencia do/a alcalde/sa-presidente/a a formalización dos contratos laborais cos/coas aspirantes seleccionados/as. Ata que non se formalice o contrato o/a aspirante proposto/a non terá dereito a percepción económica ningunha.

O contrato axustarase a algunha das modalidades previstas na lexislación laboral previamente determinada no procedemento de selección e no que se recolleran as funcións a desenvolver polo traballador/a, as retribucións que lle correspondan e prazo máximo del cando así proceda.

9.- PERÍODO DE PROBA.-

Establécese un período de proba de 2 meses segundo o establecido no artigo 14.1 do Estatuto dos Traballadores, non obstante terase en conta o establecido no último parágrafo do artigo 14.1.

Transcorrido satisfactoriamente o período de proba a que se refire o artigo 14 do Estatuto dos traballadores o/a aspirante proposto/a adquirirá a condición de persoal laboral temporal.

10.- DISPOSICIÓN APLICÁBEIS.-

En todo o non previsto nestas bases estarase ao disposto na Lei 30/1984 do 2 de agosto de medidas para a reforma da función pública modificada pola Lei 22/1993 do 29 de decembro; na Lei 7/1985 do 2 de abril, reguladora das bases de réxime local; no Real decreto lexislativo 781/1986 do 18 de abril, polo que se aproba o Texto refundido de disposicións legais vixentes en materia de réxime local; no Real decreto 896/1991 do 7 de xuño, sobre regras básicas e programas mínimos do procedemento de selección dos funcionarios da Administración local; no Decreto do 20 de marzo de 1991 da Comunidade Autónoma de Galicia; no Real decreto 364/1995 do 10 de marzo, que aproba o Regulamento xeral de ingreso do persoal ao servizo da Administración xeral do Estado e de provisión de postos de traballo e promoción profesional dos funcionarios civís da Administración xeral do Estado; Decreto lexislativo 1/2008, do 13 de marzo, polo que se aproba o Texto refundido da Lei da función pública de Galicia e nas demais disposición aplicábeis. Na Lei 39/2015, de 1 de outubro, do procedemento administrativo común das administracións públicas e a Lei 40/2015, de 1 de outubro de réxime xurídico do sector público. Na Lei 2/2015, de 29 de abril, do emprego público de Galicia (LEPG); Real Decreto Lexislativo 5/2015, de 30 de outubro, polo que se aproba o texto refundido da lei do Estatuto Básico do Empregado Público (TREBEP); Real Decreto Lexislativo 2/2015, de 23 de outubro, polo que se aproba o texto

refundido da Lei do Estatuto dos Traballadores (ET); Lei 3/1983, de 15 de xuño, de normalización lingüística de Galicia. E outros concordantes.

11. IMPUGNACIÓN

A convocatoria e as súas bases, así como cants actos administrativos delas se deriven, poderán ser impugnados/as polos/as interesados/as nos casos e na forma previstos na Lei 39/2015, de 1 de outubro, do procedemento administrativo común das administracións públicas e a Lei 40/2015, de 1 de outubro do sector público.

ANEXO I. MODELO DE INSTANCIA

D./D^a _____, de _____, anos,
con DNI nº _____ veciño/a do Municipio _____,
Provincia _____ con enderezo na rúa _____,
número _____, andar _____, letra _____, tlf _____, expón:

- Que desexa ser admitido/a ás probas selectivas convocadas nese Concello para o acceso á praza de _____, anunciada a convocatoria (sinalar onde fose o caso):
 - a) ♦ No Boletín Oficial da Provincia nº _____ de data _____ de _____ de 20_____
 - b) ♦ No Diario Oficial de Galicia nº _____ de data _____ de _____ de 20_____
 - c) ♦ No diario _____ de data _____ de _____ de 20_____
- Que coñece e acepta as bases que rexen a devandita convocatoria.
- Que reúne todos e cada un dos requisitos exixidos na convocatoria, referidos ao derradeiro día do prazo de presentación de solicitudes.
- Que achega á solicitude a relación de documentos exixidos na convocatoria así como os seguintes documentos xustificativos dos méritos a valorar por orde de presentación e debidamente numerados e foliados:
 - **Copia cotexada do DNI (SI/NON):**
 - **Outros:**
- **Documentos xustificativos dos méritos por orde de presentación e numeración:**
 -
 -
 -

• **Número total de documentos presentados sen contar a instancia:**

(En cada liña detallarase un só documento. A documentación que se achegue xunto coa instancia así como os documentos xustificativos dos méritos a valorar deberá presentarse debidamente numerada e deberá coincidir coa orde coa que se relacione na instancia determinando o número total de documentos que se presentan: curtos, xornadas, seminarios, etc., determinarase a denominación e duración, e a relación farase por orde de presentación. Tocante á experiencia profesional, deberán xuntarse á solicitude os contratos laborais certificados das empresas ou certificados de servizos prestados na Administración pública xunto con informe de vida laboral.)

Minusvalías:

(Este apartado tan só será cuberto polos/as aspirantes que padezan algún tipo de minusvalía, os/as cales deberán facer constar esta circunstancia, declarando expresamente que a dita minusvalía non é incompatible co desempeño normal das funcións propias da praza á que se aspira, especificando o seu grao de minusvalía, e, por último, se necesita ou non que a comisión seleccionadora arbitre os medios ou tome algunha medida para realizar as probas).

SOLICITA ser admitido/a á práctica das probas selectivas correspondentes.

_____, _____ de _____ de 20_____

Asinado: _____

En cumprimento da Lei orgánica 15/1999, do 13 de decembro, de protección de datos de carácter persoal e o seu regulamento de desenvolvemento RD1720/2007, indicámolle que os datos persoais que vostede nos facilita de forma voluntaria por calquera dos nosos medios de recollida de información serán incorporados a ficheiros automatizados e/ou manuais de tratamento de datos de carácter persoal debidamente inscritos na Axencia Española de Protección de Datos. Os ditos ficheiros teñen como única finalidade a xestión de datos persoais dentro das súas atribucións como Administración local e outras necesarias para o seu funcionamento interno por parte de CONCELLO DE MELIDE, titular destes segundo a disposición publicada no BOP da Coruña – n.º 37, publicado o 25 de febreiro de 2015. Os datos incorporados neles serán tratados de forma confidencial e só serán cedidos nos casos legalmente previstos. Se a comunicación dos seus datos requirise do seu expreso consentimento, seralle debidamente solicitado. Os datos que nos facilitaron con anterioridade a esta comunicación serán tamén incorporados aos nosos ficheiros, coas finalidades descritas e sen prexuízo da posibilidade de exercitá os seus dereitos de acceso, rectificación, oposición ou cancelación, mediante escrito (presentando fotocopia DNI) dirixido a: REXISTRO XERAL DO CONCELLO DE MELIDE PRAZA DO CONVENTO N.º 5, 15800- MELIDE (A CORUÑA)

ANEXO II

BAREMO DE MÉRITOS QUE REXERÁN ESTA CONVOCATORIA

Na fase de concurso valorarase o seguinte:

a) Por cada mes completo de servizos prestados en praza ou posto de similar ou análoga natureza á da praza convocada, acreditado cos contratos de traballo ou certificados das empresas xunto co informe de vida laboral: 0,2 por mes até un máximo de **5 puntos**.

Non se computarán servizos inferiores a un mes, considerándose para estes efectos os meses de trinta días. Os servizos prestados a tempo parcial computaranse proporcionalmente.

b) Celgas, cursos oficiais de lingua galega ou validación correspondente até un máximo de 2 puntos:

- Celga 5: 1,25 puntos.
- Curso de Linguaxe Administrativa Nivel Medio: 1,5 puntos
- Curso de Linguaxe Administrativa Nivel Superior: 2 puntos.

Só se valorará o curso ou Celga máis alto e a puntuación outorgada ao curso superior exclúe a outorgada ao curso inferior.

c) Cursos, xornadas, seminarios, etc., de formación relacionada co posto de traballo superados, homologados ou reconécidos por escolas públicas de formación de persoal ao servizo das administracións públicas, por administracións públicas e universidades, até un máximo de **5 puntos**.

- Cursos de 10 a 50 horas relacionados coa materia obxecto do posto de traballo: 0,5 puntos por cada curso.
- Cursos de más de 50 a 100 horas relacionados coa materia obxecto do posto de traballo: 1 puntos por cada curso
- Cursos de más de 100 e ata 200 horas relacionados coa materia obxecto do posto de traballo: 1,5 puntos por cada curso
- Cursos de más de 200 horas relacionados coa materia obxecto do posto de traballo: 2 puntos

Nos documentos acreditativos da realización dos cursos, deberá constar o número de horas de duración dos mesmos.

ANEXO III
MODELO DE DECLARACIÓN XURADA

Don/a _____, con
domicilio en _____, con
DNI nº _____, declaro responsablemente, para os efectos de ser
nomeado/a profesor/a do Conservatorio de Grado Medio do Concello de Melide, que
non foi separado mediante expediente disciplinario do servizo de calquera das
Administracións Públicas ou dos órganos constitucionais ou estatutarios das
Comunidades autónomas nin se atopa en inabilitación absoluta ou especial para
empregos ou cargos públicos por resolución xudicial.

Así mesmo non se atopar incurso en causa de incompatibilidade ou incapacidade
segundo o establecido na lexislación vixente.

_____, _____ de _____ de 20____

Asdo: _____

Melide, 18 de outubro de 2017

